

تورک کبير

خارجی کتب



تورک کبير - اقصائے اقصاء انعام جاہدک با مبرک

(موجودہ ۱ جلد ۱۳۳۷ تاریخندہ انفا ابرلمندہ)

استانبول — اقدام مطبعہ سی

۱۳۳۹

TDV İSAM
Kütüphanesi Arşivi
No 1452

تورکیه - افغانستان اتفاق معاهده نامه سی

(موقوفه ۱ مارت ۱۳۳۷ - ۱۹۲۱ تاریخده امضا ایدلشد)

بِسْمِ اللّٰهِ الرَّحْمٰنِ الرَّحِیْمِ

تورکيه - افغانستانه اتفاق معاهده نامہ سی

TDVISAM
Kütüphanesi Arşivi
No 22832

دولت علیه ترکیه و افغانستان ، کنديلرينك روابط صميميه قلیه ایله یکدیگرینه مربوط ، برامل و مقصد مقدس ایله متحسس ، مادی و معنوی منافع عالیہ مشترکہ تامهیه مالک بولدقلری ، دولتین مشارالیهمان برینک سعادت و فلاکتک دیکرینک سعادت و فلاکتی موجب اولهجنی قناعت و ایمانی ایله شرق عالمک دور تیقظ و انقباه و استخلاصنک باشلادیغنک کال من و شکران ایله کورولدیگی شو آنده ازمئه ماضیهده کی کچی ارتباطسز و مقفرد قالمه لرینک آرتق ممکن اوله مایه جفته و عهده لرینه برطاقم و وظائف تاریخیه نك مرتب اولدیغنک ضرورتنه حکم ایدهرک بر وجودک اعضاسی کی طرفیندن برینه کلهجک رنج و آزاردن دیکر طرفک متأثر و متأذی اولهجنی طبیعی کورن بو ایکی قارداش دولت و ملت بیلرندہ اوتهدنبری جایکیر اولان وحدت مغزیه و اتفاق طبیعی یی ساحه سیاسییه نقل ایله اتفاق مادی و رسمی حالته قلب و عموم شرقک آتی مسعودی نامنه بر مقدمه الحیر اولق اوزره آرهلرندہ تیبناً بر اتفاق معاهده نامہ سی عقد ایله مکہ قرار و یرمشلر و بوخصوص ایچون

تورکيه بویوک ملت مجلسی حکومتی

طرفندن حکومت مشارالیه اعضاسندن امور اقتصادی وکیلی [ناظری] یوسف کمال بک

و

امور معارف وکیلی [ناظری] دوققور رضا نور بک

و

دولت علیه افغانستان

طرفندن سفیر فوق العاده مرخص جناب جلالآب جنرال محمد ولی خان

مرخص تعیین اولمشلردر .

مرخصين مشاراليهم صلاحيتنامه لري بعدالابراز بولنده ومنتظم اولديغى كوره بلك مواد آتیه ي قبول ايله مشرودت:

برنجی ماده

الی ماشاالله برحیات مستقل سورن تورکیه دولتی الك صمیمی و وجدانی روابط ايله مربوط بولنديغی دولت علیه افغانستانی معنای حقیقی تامی ايله طامینجی بر فریضه بیایر .

ایکنجی ماده

طرفین عالیین عاقدين بوتون شرق ملت لرینک آزادی وحریت کامله یه وحق استقلاله مالک اولدقلرینجی و بونلردن هرملتك بذاته و آرزو ایندیکی هر هانکی بر اصول و طرز اداره حکومت ايله کندیسینی اداره ده مختار اولدیغی بخارا وخیوه دولترینک استقلالنی تصدیق ایدرلر .

اوجنجی ماده

دولت علیه افغانستان عصرلدنبری اسلامیته رهبرلك وخدمات بر كزیده ایفا ایتمش اولان و علم خلافتی آئنده طوتان تورکیه نك بوبابده مقتداها اولدیغی بو مناسبتله ده تصدیق ایدر .

دردنجی ماده

طرفین عاقديندن بری ، شرقی استیلا ویا استعمار سیاستنی تعقیب ایدن هر هانکی امپریالیست بر دولت طرفندن دیکرینه واقع اولاجق تجاویزى بالذات کندینه واقع اولمش عد ایدرک وسائط موجوده و نمکنه سیله دفع ایلمکی قبول ایدر .

بشنجی ماده

طرفین عاقديندن هر بری دیکرینک حال اختلافده بولنديغی اوجنجی بر دولتک منافعه موافق ویا طرف دیکر عاقدک منافعه مضر هیچ بر معاهده و مساوله دولیه یی عقد ايله همکی و هر هانکی بر دولتله معاهده عقد ایده چکی زمان اولجه دیکر طرفی خبردار ايله همکی تعهد ایلر .

آلتنجی ماده

طرفین عاقدين آرده لرنده کی مناسبات اقتصادی و تجاریه لرینک و شهیندرلك معاملاتنك تنظیمی ایچون لازم کنن مقاولاتی آریجه عقد ایده چکلردر وشمیدین مرکز لرینه سفیر کوندره چکلردر .

TÜRKİYE
Kütüphanesi Arşivi
No 3E.932

یدنجی ماده

طرفین عاقدين ایکی مملکت آراسنده منتظم و خصوصی پوستهل احداث ایدرک وضعیت سیاسیله لرله معارف ، تجارت و سائر احوال و وضعیتدن هر نوع احتیاجات و آرزولردن متقابلاً و الك سریع بر صورتده یکدیگرینه معلومات ویره چکلردر .

سکزنجی ماده

تورکیه افغانستانه حرناً یاردیمی ، معلم و ضابط کوندرمکی و بوهیت معلمین وضابطک لاقول بش سنه خدمته قالماسنی ومدت مذکورنك اقتضاسنده افغانستان طلب ایندیکی تقدیرده تکرار برهیت معلمه کوندرمکی تعهد ایلر .

طقوزنجی ماده

بو معاهده نامه اصغری مدت ظرفنده تصدیق ایدیله چک و او آندن اعتباراً مرعی الاحکام اولاجقدر .

اونجی ماده

بو معاهده نامه ایکی نسخه اولارق موسقوواده تنظیم و طرفین مرخصلری طرفندن امضا و تعاظمی ایدلشدر .
بو معاهده بیک اوچیوز اوتوز طقوز سنه هجریه سی جمادی الاخرینک یکرمی برنجی کوننه مصادف بیک اوچیوز اوتوز یدی سنه سی مارتنک برنجی صالی کونی امضا ایدلشدر .